



Aningaasaqarnermut Naalakkersuisoq

NUKINGINNARTOQ

Aningaasaqarnermut Ataatsimiititaliap suliaq nr. 01.31.06/09-00432 pillugu marlungornermi ulloq 13. oktober 2009-mi aalajangiineranik Naalakkersuisunut ilisimatitsineq.

Allaffissanik attartortarnermi isumaqatigiissuteqartarnerit taakkulu unitsitsineri

Naalakkersuisut inassutigaa,

- B-48-p 1. januar 2010 aallarnerfigalugu attartorneqalernissaa Aningaasaqarnermut Ataatsimiititaliap akuersissutigissagaa.
- illuutigisanik aqutsisoqarfik Aningaasaqarnermut Sulisoqarnermullu Aqutsisoqarfimmiittoq B-48-mik 1. januar 2010-mit 2014-ip naaneranut atuuttussamik attartornissamut pisinnaatinneqassasoq.

Aningaasaqarnermut Ataatsimiititaliap oqaaseqaatai

Kantomut pingaarnermut 70.10.02-mut, Namminersornerullutik Oqartussat Nuummi qitiusumik allaffeqarfiinut tunngasumut, oqaasertaliussaq naapertorlugu Nuummi B-48-mik piffissami sivisuumi atuuttussamik attartornissaq pillugu isumaqatigiissuteqarnissamut akuerineqarnissaq Naalakkersuisut qinnutigaa. Taamaaliornikkut B-1573-mik attartorneq akisunerusoq atorunnaarsinneqarsinnaassaaq. Taamaalilluni piffissamut 2010-2014-imut katillugit 1,5 mio.-it sipaarneqarsinnaassasut Naalakkersuisut naliliipput.

Attartukkap atorunnaarnissaata tungaanut attartukkap utaqqiisaasumik ineqarfittut atorneqarnissaa siunertaralugu B-1573-ip allangortiterneqarnissaa isumaliutigineqartoq qinnuteqaammi allassimavoq. Taamatut allangortiterineq akisuupilussuanngorsinnaammat aallartinneqannginnerani tamanna sukumiisumik misissorneqassasoq Aningaasaqarnermut Ataatsimiititaliap naatsorsuutigaa. Taamaalilluni aaqiissutissaq sapinngisamik akikinnerpaaq Naalakkersuisunit toqqarneqassasoq tunngavissaatinneqarpoq.

Aningaasaqarnermut Ataatsimiititaliap aalajangiinera

Naalakkersuisut inassuteqaataat Aningaasaqarnermut Ataatsimiititaliamit **akuerineqarput**.

Aningaasaqarnermut Ataatsimiititaliaq sinnerlugu

Naaja Nathanielsen
Aningaasaqarnermut Ataatsimiititaliap siulittaasua